

五修譜序

社會主義者天下爲公也宗派主義者姓氏宗族也孫中山先生曾經說過家族可擴爲國族信乎傳有之曰家齊而後國治國治而後天下平今夫國有人口普查之而姓氏豈無 普查之義哉當今政通人和天下昇平人民安堵姓氏各族多經普查早告落成夫普查舊例爲修家乘也家乘之修是續前述後追本溯源序昭序穆載德載功親其親長其長觀其所由察其所安敬其所尊愛其所親明其從何所自始知其從何而爲姓是故參天之木必崇其本懷山之水必究其源人之有祖亦由是焉我楊氏之得姓始自周康王六年戊辰封杼公於楊寵錫楊侯子孫遂以楊爲姓以杼公爲鼻祖也追今三千餘年本本源源有條不紊世濟其美稱著姓焉厥後亦葉相承代有人聞忠孝挺生英豪輩出賣公積德啣鱣兆三公之祥震公清廉暮夜凜四知之畏昭清白而輔漢潔如玉環戒三惑以居官廉似冰雪士奇著文籍之志龜山紹理學之宗炯舉神童是享盈川之祿素推孝廉榮賜巨萬之金論道經邦父子濟美於丞相玉堂金馬昆季班聯於宰輔仁孝感於猛虎友愛篤於嘉珍作元作師文相武將孝子悌弟

學士賢人顧能蕃其枝葉以綿瓜瓞之作者何莫非祖德宗功忠厚勤儉積功累仁式憑呵護以默佑於後裔也我族 傳於關西繼徙於吉州後遷於梅州世代之源流日遠嗣息之蕃衍日繁散處於豫湘吳

越蕃盛於閩粵齊魯奕紹書香文人蔚起苟非譜牒枝派何以秩然昭穆何以井然善行何以卓然是家乘之修曷容已乎當今之世舍我其誰歟吾何爲卸責也哉茲譜之修既承房族之推薦命餘爲纂修雖自愧學膚安可卻乎惟冀後世有述焉是爲序

時在

一百世孫明照月臨氏頓首 拜撰

公元二零二五年乙巳歲春月 重刊

五修譜序文

夫家之有譜猶國之有史也國之有史所以載治亂知興衰也家之有譜所以序昭穆辨尊卑別長幼也故家譜與國史並重我楊氏系出姬姓唐叔虞之後周康王六年癸巳歲封杼公於楊寵錫楊侯食采楊國子孫遂以楊為姓蓋杼公楊氏之鼻祖也迄今三千餘年楊國者古號宏農乃黃帝所封之地即長安今陝西省西安是也逮至八世澗公再封楊侯至二十四世周安王五年甲申三封楊侯文實公文實公即伯僑公也此本本源有條不紊歷代修譜皆以杼公為受姓始祖然有始封之祖亦有始遷之祖清康熙三十二年癸酉大高祖任春公由廣東長樂陳坑寨三徑來湖南瀏陽東鄉東沙沖立業旋歸迎父親韜元公母親吳孺人並二弟時春公三弟洪春公遷而居焉是韜元公為我東沙沖之遷瀏始祖也於今三百年歷史悠久子孫繁衍匪譜牒所載莫能稽考夫譜有三十年修前譜修自民國三十四年乙酉迄今四十有八年世道滄桑變易靡常譜牒多焚毀墳塋有遷徙子孫住居星散面吾視若途人有問何祖何宗則愕然莫能對後生者不知其年死者亦不記其年祖宗墳墓更不知所何在嗟乎人非草木孰無父母誰無兄弟胡不知木有本水有源如此者與禽獸何異幾兮是故急不容緩不得不有續修之舉予館於家蒙明梓超然弟及各賢弟賢侄輩等推為纂修自愧學庸不堪重任幸前譜之修餘亦謬推為纂修今年來七十有八矣

精神恍惚不敢擅專惟與族衆協商玉成其事茲譜告成謹述數言弁之於首是為序

時在

一百世孫明照月臨氏頓首 拜撰

公元二零二五年乙巳歲春月 重刊

宋淳熙戊申廣文富公撰序

當因趨庭之暇佩學禮之訓而有於禮之言曰萬物本夫天人本乎祖人之興物莫非天之所生古之聖賢所謂物以天言人以祖言何也蓋天者物之天而祖者又人之天物不本乎天則自形自色於宇宙之間者孰爲之總攝人不本乎祖則以嗣以續於世代之遠者孰爲之根本日月之照臨風雨之鼓潤而根茅茅甲得以遂其生者此物之所以同乎一天也開之於前垂之於後而高曾雲初有以久其遠者此人之所以同夫一祖也是則人之有祖即物之有天也藉祖宗之澤而無報本之心是忘其祖即所以忘其天也人而忘夫天尚何容於覆載之間哉噫是祖也乃人之所由本也然有所生之本又有所利之本興之於前傳之於後至於生生而不窮者此所生之本也置乎田園貽以基業至於利利而不竭者此所利之本也凡厥有生孰不同有所生之本哉夫既有所生復有所利是則人皆一本而我則二本矣今石族享祖宗分授之田荷祖宗蒸嘗之利者得非所謂本乎祖之中而復有產業之本哉且閭巷小民鄉落農夫無立錫可資而人心天理未嘗不猶存拳拳於春秋祭祀之日籲彼不忘所生之本也而念祖之誠且若是殷也已承祖宗積累之本又有祖宗產業以爲憑藉之本俾昌俾熾得所本於立業肇跡之餘而不饑不寒又得本於仰事俯畜之際而報本之心宜何如哉我楊氏始自宏農分出於號邑徙於吉州遷於興國上世祖宗墳塋山川間阻不得掃掛惟唐始祖朝議大夫雲岫公官粵寓梅遂立家焉生三子長思孝次思恭三思聰分爲三房

厥後弈葉相承又分爲六房而始祖則六房共之然三房所輸之蒸嘗則有西洋陸擔陸門酒米之田六房所輸之蒸嘗則有鄭均灘頭一千餘秤之稅以西洋爲蒸嘗所祀者百祖罔五龍罔此則三年一收而吾之三房各有與焉鄭均灘頭爲蒸嘗所祀者灘頭合葬之曾祖參軍公黃氏夫人也此則六年一收而六房各與其一焉使後之孝子順孫念祖宗肇造之報難無負前人責望之美意收其租稅祀其墳塋食其蒸嘗追其忌諱由長及幼已終復始難萬世不能變也夫何子孫弗念厥紹任己私意壞昔良規爲一時便急計利之謀而不思祖宗貽厥孫謀之道以陸擔餘米爲大寡每年諸房所收僅獲升鬥之利故蒸嘗之典因所得之鮮而不舉固可責也若鄭均灘頭一千餘秤之稅爲大多陸房糾集則其勢不得以祀親今則吾族之衆昭穆尊卑莫不皆有一定之序矣自今已往務宜各協親愛之情明宗族之義收其租稅祀其墳塋毋得以大凌小以尊欺卑患難則相恤緩急則相通味百世不遷之言而服膺乎蘇公族譜之訓使孝弟之風藹然如春風和氣之可掬豈不美歟

十三世孫恩進士文富 謹記

公元二零二五年乙巳歲春月 重刊

明永樂丁酉晉江令宗信公撰序

嘗謂參天之木必有其根懷山之水必有其源人之有祖亦猶是焉昔吾族之居梅也由宋迄今世濟其美稱著姓焉宋末族繁星散東西幸賴我祖參軍公至高祖如穆公曾祖斌孫公祖清軒公伯父樹齋省齋震齋祖興房房子係日加繁衍舊業亦頗增益而耕自足者是皆祖宗餘慶之所暨也豈敢忘其所自哉籲天運一氣以育萬物故生生而不窮人原一祖以分九族故繩繩而永久何今之人族譜不修蒸嘗不舉或遺其宗緒者多矣士生百世之下欲推其所來而親睦其宗族概不悉由不過自養自育而族之孝弟雍陸名分親疏之類茫然不知嗟哉鳥俯而啄獸走而娛猶且徘徊顧群尚恐外物之害可以人而不如禽獸乎是以慨然以祖宗親族爲念上自高曾以下類編成圖貽我後裔以寓羹牆之思焉俾吾後之若子若孫序親疏別長幼披斯圖按斯記究高曾以上之遠親知根乎一氣極祖父以來之遠族知本乎一源使奉先之心油然而生則孝弟雍睦忠厚惻怛之念庶幾由此而興矣斯則信所切望也謹言以爲記

乾隆庚午林文宗枝春撰序

餘讀聖諭至敦孝弟以重人倫不禁掩卷而嘆曰敦倫飭紀我朝之甚重也歲己巳膺皇恩之寵渥特簡餘衡文江右有信邑弟子員楊宏奇率其族侄孫龍躍正賓嵩山爵昌惟隆等具呈家譜以重修請題餘披閱之始知信邑楊氏受姓分封之後堂名華陰者有章公堂名關西者有震公堂名宏農者有寧公三遷一脈非有殊稱遞傳輅公篤生九子長曰銳即尚書書士奇房祖次曰鋌即謨閣萬裏嫡祖其中謚以忠襄褒以文節旌以貞靖封以文惠諾公等宋元之後屢朝鼎盛世代文人至十有五世後代繁昌四衍各邑或以江右稱或以江左稱或以閩省傳或以湘楚著何可悉數幸得彭壽公與堂弟吉叔官任吉安故辭廬陵湓塘俱居於贛彭壽之裔住信豐之花園坊吉叔之裔還安遠之楊蔡故今文人炳蔚江西巨族聲在人間茲族大繁衍不修家乘誠視至親若塗人對本宗如秦越所以聯合族同志協力重修是所謂彝倫攸敘闡祖宗之發越亦所謂昭穆詳明冀後嗣之顯揚者餘司文衡任在褒嘉故因楊氏之請而樂為之序

序

我國社會首重宗法德行之目以孝爲先故尊其所本而親親尚焉推親親之道而致不忘本之思則敬宗收族乃爲孝行之所極蓋凡同姓之人祖若父之所親也祖若父之所親者吾亦當親之然歷世既久則族愈繁情愈疏不有術焉以維系之將何以盡其情耶於是立宗廟以明昭穆之分設譜牒以明世系之由而宗法乃秩然不紊可以昭信於後世我國社會倫理相承而不敝者實賴有此孫中山先生謂宗族可擴爲國族蓋亦欲推親親之義而至其極也古之譜牒掌於官吏敘世系皆信而有徵後世官失其守而私家之譜牒以興遠祖不可復溯則斷自始遷祖而祖之同姓之間其始遷者異譜牒不得相通關疑存信不誣其本其意至善要尊其所本而親其親則猶是也瀏陽東鄉東沙沖楊氏爲唐潮陽太守雲岫公之後世代鼎盛代有聞人其遷於瀏者亦以詩禮世其家爲邑望族舊譜燦然有述焉邇年來其族人慨世變之日亟懼譜牒之或墜以有續修之舉雖倭寇肆亂蜂煙屢驚不爲稍輟蓋皆篤於親親之誼而深明乎孝行之本故不以國難之棘而緩家乘之成其肫摯信道勇於有爲爲何如耶推此志焉則楊氏之發越光大垂裕於無窮者將茲蔔之矣吾友月臨先生績學篤行有聞於鄉裏茲譜之修實主其事稿成而倭氛適靖以書抵予餘因爲述其宗法維系之重而幸其有成焉

瀏陽縣縣長

世晚 李公達 頓首拜撰

公元二零二五年乙巳歲春月 重刊

四修譜序

蓋聞宗室之派有演於天潢之言帝胄之譜故有玉牒之稱此其帝王譜牒之所尊重也吾人何獨不然又雲家之有譜亦猶國之有史也國之有史以紀其歷代之忠臣義士賢否忠奸以為後世之法鑑家之有譜敘其先人之發祥有自亦紀前輩之事略可考而吾之先祖韜元公於前清康熙三十二年癸酉遷自東粵長樂縣徙居瀏陽東沙沖置田園肯堂構光大門閭續修譜牒自嘉慶九年甲子有遠族淇鄰氏來瀏邀修族譜與先祖清字輩經理合修是遷瀏修譜際其一次也至同治二年癸亥應甲公集我韜元公支下房戶纂修者是為重修支譜也迨至光緒二十七年辛醜吾先父潤吾公與族家俊公糾集一十七房合修族譜而吾族支譜仍猶未缺此屆是為三次續修也迄今四十六年矣而家譜之當修故難容緩於是吾任公時公洪公後裔共襄美舉玉成其事此次是為四修譜牒也論其來世已歷兩朝論其世系十有一代自茲以往惟冀祖先之英靈長垂裕昆之默蔭螽斯衍慶瓜瓞綿長佑啓後人賢孝踵出祖武克繩箕裘能紹恢宏先緒丕振家聲餘也不才因公推纂修爰綴數言以為四修譜牒之序雲爾

時在

七十有三嗣孫文楨 謹識

公元二零二五年乙巳歲春月 重刊

清光緒辛醜啓庸公撰續修序

續修者續前譜而作合前譜而全者也前譜修自同治二年癸亥迄今三十九年矣踵出雲初渙若鳧雁是以有續譜之修從來瀏始祖韜元公起為第一世選用歐式橫行間有改避君親諱及房戶復名至異前譜名字生歿有正訛墳墓有遷徙至異前譜年月坐向均不得議來瀏以上世系仍用直行蘇式惟配氏改修大書夫來瀏以上用蘇式明瀏以前所由終來瀏以下用歐式明瀏以下所由始合前譜閱可也離前譜閱亦可然而時移事異業產有買賣之殊議規有增減之異房戶有支分派別之繁原日譜序有難以盡合處今修族譜惟錄宋文富公明宗信公乾隆庚午林公枝春序道光戊子應甲公回粵陳坑三徑紀其餘概不贅錄合族公議是以謹述簡端

時在

嗣孫國學生啓庸潤吾氏 拜撰

公元二零二五年乙巳歲春月 重刊

同治二年癸亥應甲公陳坑三徑紀

按譜宗旺公諱柳始移長樂縣散坑錫坑坪嶺等處居住至元公分居陳坑寨祖祠尚在及邦顯公住下寨又以祖堂作支祠生忠信厚三公予於道光八年戊子隨標叔鼎叔崇兄回梓朝祖細查信公支下並無一人居此厚公亦然惟忠公子孫柏光永興等與上寨族門秀承秀林等作主指示墳塋田畝屋宇隨擇日豎信公墳碑各墓各祠均已祭醮獨春高叔所佃之田七十年租穀未完退耕另批並各佃戶駁換賃約屋地基批與柏光兄並園土池塘在內起造每年交租錢壹百文幫完糧餉立借字一紙外收歸李仁皆兄弟代買祭田文契一紙當立附托約二紙一附陳坑忠公子孫並上寨族門柏光永興秀承秀林收租穀三擔每歲清明日除穀一擔作祭掃存穀二擔一附錫坪李歲彩公子孫秀深蘭標長運幹士收租穀六石四門每年八月初一日除穀三石作祭掃存穀三石四門其二姓存留之穀日後回梓收作用費有本無利陳坑事畢就此下博羅縣三徑墟數日始到但三徑之事祖上無人道論不惟其詳不可得而聞即路途亦不得而知焉至三徑墟訪得南門洞職員楊大程之子監生兆崑及亞羅大海永珍亞盲等詢其祖代不知來歷問及族譜稱嘉慶壬戌年被陳姓地匪騷擾文契各約放火焚燒得一敬祖請神書方知翰敘公子孫次日自辦牲醴同詣白石嶺祭掃張妙仙祖母墳碑確據嶺下即板橋鋪大坪一支墳塋甚多翰儒公葬此惜無碑志玉石不分回轉至芒頭窩掛張祖妣亦幸有碑墳後上即三巡寨腦可盛公葬此四處無墳只見茅

山內有一小堆系艮山坤向與譜上山向相同至將羅圍挖深成一大堆祭醮而歸臨行時取花錢一元交
崑手授伊祠內生利每年將利錢買香燭代掃墓但祖上移徙博羅縣疑是翰儒公兄弟攜母張氏至此及
毓芳公兄弟攜母邱曾二妣復回陳坑所以張祖妣儒公夫婦可盛公均葬博羅縣任春公來瀏只帶邱曾
二祖妣毓芳公夫婦骸骨葬瀏陽日後房戶有孝子慈孫此二處勿畏千裏之遙跋涉之苦十年一回有何
不可此紀

來瀏始祖韜元公序

譜者普也於上而先代之淵源可接普於天下而後代之支派可尋找我楊氏自周康王六年封杼公於楊國遂以楊為氏曆秦漢兩晉北魏南朝及唐宋元明以至國朝歲三千年本本源莫不知杼公為始祖也此前代修譜以杼公始祖然有始封之祖亦有始遷之祖康熙三十二年癸酉我大高祖任春公由梅州陳坑寨三徑來湖南長沙府瀏陽縣東鄉十都東沙沖立業

旋迎父親韜元公 母親吳孺人並二弟 時春公 三弟洪春公遷而居焉是則大大高祖韜元公又遷瀏之始祖也查各名家世族溯受姓之源莫不以始封祖為始祖紀徙居之初莫不以始遷祖為始祖此次修譜韜元公以前用蘇式以後用歐式始封之祖與始遷之祖均昭垂於後世惟冀子子孫孫各自奮發恢先緒大門閭庶可以對始遷之祖亦可以對始封之祖是為序

嗣孫啓庸 撰

公元二零二五年乙巳歲春月 重刊

任春公來劉事迹

任春公吾大高祖也世居粵東嘉應州長樂縣陳坑寨三徑等處明清之交人浮於地艱於生理惟湖南長沙之瀏陽大遭兵燹康熙二年方得洗甲初平之後人尚稀疏康熙三十二年癸酉公年方十五歲拜別父母跋涉山川踰越險阻不數年落業瀏東十都磊石山東沙沖築室辰山戌向置田園植竹木回粵迎接父母及兩弟抱九十世邱曾二祖妣遺骸安葬白石沖張天海螺形立丁山癸向九十一世祖考毓芳公遺骸安葬炭沖龍形立申山寅向祖妣陳孺人遺骸安葬珠江獅形立艮山坤向夫公於兩曾祖妣祖父母而如是是無忝慈孫於父母而如是是無慚孝子於兩弟而如是是無慚伯兄獨立駿業大啓鴻圖迄今猶食舊德服先疇所謂垂裕後昆者非耶茲修族譜謹述顛

未惟冀世世子孫或爲士爲農爲工爲商各自奮發以紹箕裘恢先緒毋負我

大高祖遷徙之心斯幸甚矣

嗣孫國學生啓庸潤吾氏 拜撰

公元二零二五年乙巳歲春月 重刊